



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU **DEMOKRATI BIH**

Broj: 03-07-6-865/08
Sarajevo, 03.03. 2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja stranke Demokrati BiH za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Demokrati BiH su prekršili odredbe člana 11. stav (3) i (4) Zakona o finansiranju političkih stranaka jer finansijski izvještaj nisu popunili u skladu sa Pravilnikom o godišnjim finansijskim izvještajima političkih stranaka i nisu dostavili dodatnu dokumentaciju.

Na osnovu našeg pregleda, odnosno kontrole finansijskog izvještaja, osim gornjih napomena nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Demokrata BiH za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokrati BiH nisu imali prihode u 2007. godini.

Red. br.	Vrsta prihoda	Iznos u KM	Učešće u Uk.prih. %
1	Članarina		
2	Prilozi fizičkih lica		
3	Prilozi pravnih lica		
4	Prihodi od imovine		
5	Prihodi od pr.lica		
6	Prihodi od poklona		
7	Prihodi iz budžeta		
	Ukupni prihodi:	0,00	

U godišnjem finansijskom izvještaju Demokrati BiH nisu iskazali rashode..

2. PREDSTAVLJANJE POLITIČKE STRANKE

Naziv političke stranke: Demokrati Bosne i Hercegovine. Skraćeni naziv je Demokrati BiH.

Politička stranka Demokrati BiH je registrovana 01.06.1999. godine kod Kantonalnog suda u Sarajevu, pod brojem Rf -1293/06.

Sjedište političke stranke je u Sarajevu, ulica Maršala Tita br.28

Za zastupanje stranke ovlašten je: Safet Ćibo, predsjednik i Muamer Kalić, potpredsjednik stranke.

Osoba ovlaštena za podnošenje finansijskih izvještaja za 2007. godinu je Muamer Kalić.

Prema podacima iz finansijskog izvještaja Demokrati BiH nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokrata BiH za 2007. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li su Demokrati BiH u izvještajnom periodu postupali u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Demokrata BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je obavila pregled godišnjeg finansijskog izvještaja Demokrata BiH za 2006. godinu i izdala izvještaj o pregledu sa mišljenjem, nalazima i preporukama u kome je navedeno da stranka nije postupala u skladu sa članom 6. i članom 11. stav (3) Zakona o finansiranju političkih stranaka.

Realizovane preporuke:

Demokrati BiH su ispoštovali preporuke revizije date u izvještajima o pregledu u dijelu koji se odnosi na odredbe člana 6. Zakona o finansiranju političkih stranaka.

Nerealizovane preporuke

Na osnovu uočenih nedostataka u godišnjem finansijskom izvještaju za 2007. godinu, utvrđeno je da Demokrati BiH nisu ispoštovali preporuke date u izvještaju o pregledu i da su u 2007. godini postupali suprotno odredbama člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

Na osnovu našeg pregleda finansijskog izvještaja utvrđeno je da su Demokrati BiH prekršili odredbe člana 11. stav (3)¹ i (4)² Zakona o finansiranju političkih stranaka.

- Stranka u finansijskom izvještaju nije iskazala promet i podatke o svom transakcionom računu.
- Centralna izborna komisija BiH je 26.05.2008. godine od ove političke stranke zatražila da dostavi dodatnu finansijsku dokumentaciju vezanu za poslovanje stranke u 2007. godini. Demokrati BiH nisu postupili po zahtjevu, te im je upućena urgencija za dostavu dodatne

¹ Do 31.03. naredne godine političke partije podnose finansijski izvještaj u formi koju odobri Centralna Izborna Komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja

² Sva lica obavezna da podnesu izvještaj, moraju podnijeti i dodatne izvještaje koje Centralna izborna komisija BiH zatraži.

dokumentacije br. 03-07-6-865/08 od 29.07.2008. godine. Stranka ni nakon urgencije nije dostavila traženu dokumentaciju, čime je prekršila odredbe člana 11. stav (4) Zakona o finansiranju političkih stranaka.

5.2. PREPORUKE

Preporučuje se Demokratama BiH da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbom člana 11. stav (3) i (4) Zakona o finansiranju političkih stranaka, odnosno da finansijske izvještaje dostavlja na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.*

Komentar

Demokrati BiH se nisu očitovali. na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2007. godinu.

Mr.Hasida Gušić, šef Službe za reviziju

Nevenko Andan, revizor

Anela Burdžović- Kapić, pomoćnik revizora